



SLUŽBENI GLASNIK

OPĆINE KALESIJA

Godina: XXVIII

Petak, 03.06.2005. godine
K A L E S I J A

Broj: 5

OPĆINSKO VIJEĆE

36

Na osnovu člana 41. Statuta općine Kalesija («Sl. glasnik općine Kalesija», broj 7/03), na prijedlog Administrativne komisije, Općinsko vijeće Kalesija, na sjednici održanoj 31.05.2005. godine, d o n o s i

ODLUKU

o izmjenama i dopunama Odluke o naknadama plata funkcionera koje bira, imenuje i postavlja Općinsko vijeće

Član 1.

Mijenja se član 1. Odluke o naknadama plata funkcionera koje bira, imenuje i postavlja Općinsko vijeće («Sl. glasnik općine Kalesija», broj 1/98, 4/99 i 6/03) u tački 1. iza teksta: »Općinski načelnik«, umjesto broja: »3,8« da stoji: »5,0«.

Član 2.

Odluka stupa na snagu danom objavljivanja u »Službenom glasniku općine Kalesija«.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Broj: 01-05-2-1827
Datum, 02.06.2005. godine

PREDSJEDAVAJUĆI
OPĆINSKOG VIJEĆA

Hata Mujčinović, dipl. ing. tehn, s.r..

37

Na osnovu člana 29. Zakona o lokalnoj samoupravi («Sl. novine TPK», broj 6/9 i «Sl. novine TK» broj 13/9, 7/02) i člana 41. Statuta općine Kalesija («Sl. glasnik općine Kalesija» broj 7/03), na prijedlog Komisije za izbor i imenovanje, Općinsko vijeće Kalesija, na sjednici održanoj 31.05.2005. godine, utvrdilo je

ODLUKU

o izmjenama I dopunama Kodeksa ponašanja izabranih zvaničnika općine Kalesija

Član 1.

Kodeks ponašanja izabranih zvaničnika općine Kalesija («Sl. glasnik općine Kalesija», broj 5/04) mijenja se i dopunjuje kako slijedi:

U nazivu, umjesto dosadašnjeg teksta »Kodeks ponašanja izabranih zvaničnika općine Kalesija« da stoji »Etički kodeks ponašanja izabranih zvaničnika općine Kalesija«

U cjelokupnom tekstu umjesto »Kodeks ponašanja izabranih zvaničnika općine Kalesija« da stoji »Etički kodeks ponašanja izabranih zvaničnika općine Kalesija«.

U poglavlju I – UVODNI DIO tačka 1 na kraju testa umjesto riječi «javne administracije» da stoji «lokalne uprave»

U poglavlju V – **ODNOS PREMA OPĆINSKOJ UPRAVI tačka 19 stav 2 briše se.**

Umjesto dosadašnjeg poglavlja «VIII – PRAĆENJE PONAŠANJA» da stoji «VIII – PRAĆENJE PRIMJENE KODEKSA» a tekst tačka 27 i 28 se mijenja i glasi:

«Izabrani zvaničnici će se uzajamno podsjećati i pozivati na obaveznost poštovanja i principa ponašanja utvrđenih ovim Kodeksom.»

«Predsjedavajući Općinskog vijeća će sa najvećom pažnjom pratiti ostvarivanje principa utvrđenih ovim Kodeksom i biće ovlašten da u svakom momentu upozori na obavezu ponašanja u skladu sa Kodeksom, kao i da preduzme druge mjere u skladu sa Poslovníkom Općinskog vijeća.»

«Izabrani zvaničnik biće spreman da u slučaju ustanovljenja povrede neke od odredbi ovog Kodeksa bude podvrnut kažnjavanju, a po postupku utvrđenog ovim Kodeksom».

«Svrha ovog kažnjavanja je javna osuda neprihvatljivog ponašanja suprotnog ovom Kodeksu kao i moralni uticaj na buduće ponašanje izabranog zvaničnika».

«U cilju obezbjeđenja primjene ovog Kodeksa, Općinsko vijeće obrazuje Komisiju za Kodeks ponašanja (u daljem tekstu: Komisija)».

«Komisija prati primjenu Kodeksa, a naročito javno iznesene primjedbe i preporuke (u bilo kom obliku, postupa po pojedinačnim prijedlozima za utvrđivanje postojanja povrede Kodeksa, podnosi izvještaj Općinskom vijeću sa preporukama i ima druga ovlaštenja utvrđena ovim Kodeksom».

«Komisija se sastoji od pet članova od kojih su dva iz reda vijećnika, tri iz reda uglednih i afirmisanih građana u javnom životu».

«Komisija bira predsjednika komisije iz reda svojih članova».

U poglavlju IX – **ŽALBENE PROCEDURE** dosadašnji tekst tačaka 30,31, 32 mijenja se i glasi:

«Svaki građanin je ovlašten da podnese prijavu povrede Kodeksa, a u prijavi će obavezno navesti za koje radnje smatra da su povreda Kodeksa i kojim dokazima to potvrđuje».

«Komisija razmatra prijavu i ovlaštena je da provede postupak ispitiavanja osnovanosti prijave, da provede potpuni dokazni postupak i nakon toga odluči da li postoji povreda neke od odredbi ovog Kodeksa».

«Ako Komisija zaključi da nije bilo povrede neke od odredbi ovog Kodeksa, o tome će obavijestiti podnosioca prijave, a Općinsko vijeće će o takvim slučajevima obavještavati najmanje šestomjesečno».

«Ako Komisija zaključi da je određeni izabrani zvaničnik učinio povredu neke od odredbi ovog Kodeksa, Općinsko vijeće će podnijeti detaljan izvještaj sa preporukom o izricanju određene kazne/kazni».

«Općinsko vijeće odlučuje o vrsti i visini kazne na osnovu preporuke Komisije, izuzev ako sama priloži dodatne dokaze o nepostojanju povrede Kodeksa ili povrede postupka utvrđenog ovim Kodeksom».

U poglavlju X – **SANKCIJE ZA KRŠENJE KODEKSA** u tački 34 da stoji umjesto dosadašnjeg teksta – kritika, pismena opomena i javna opomena «**opomena, javna opomena sa objavljivanjem** zveštaja i odluke i novčana kazna».

«Dodaje se novi stav tačke 34 (član 17 stav 4)

«Uz kaznu opomene i kaznu javne opomene objavljivanjem izvještaja i odluke može se kao sporedna kazna izreći i novčana kazna, u skladu sa ovim Kodeksom».

Dodaje se novo poglavlje XI – **IZRICANJE SANKCIJA** koje glasi

«može se izreći i novčana kazna u visini od 20% od mjesečne naknade zvaničnika za period od četiri mjeseca».

«N

«Ako se izrekne kazna opomena, kao sporedna kazna može se izreći i novčana kazna u visini od 10% od mjesečne naknade zvaničnika za period od dva mjeseca».

«Ako se izrekne kazna javne opomene sa objavljivanjem izvještaja i odluke, kao sporedna kazna ovčana kazna, kao glavna kazna, izriče se u visini od 40% od mjesečne naknade zvaničnika, za period od tri do šest mjeseci. Ako je izrečena novčana kazna kao glavna kazna smatra se da je izrečena, kao sporedna, i kazna javne opomene sa objavljivanjem izvještaja i odluke».

Dosadašnje poglavlje **XI** postaje **XII**.

Član 2.

Ova Odluka stupa na snagu danom objavljivanja u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj:01-05-2-1825
Datum,02.06.2005.godine

PREDSJEDAVAJUĆI
OPĆINSKOG VIJEĆA

Hata Mujčinović, dipl. ing. tehn.s.r.

38

Na osnovu člana 3. i 6. Zakona o naknadama za korištenje podataka i vršenja usluga u oblasti premjera i katastra nekretnina (Sl.list SR BiH broj 35/85, 12/87 i Sl.list R BiH , br. 4/93, 21/93 i 13/94) Općinsko vijeće Kalesija na sjednici održanoj dana 31.05.2005. godine, d o n o s i

ODLUKU

o naknadama za korištenje podataka i vršenje usluga u oblasti premjera i katastra zemljišta

Član 1.

Ovom odlukom utvrđuju se obaveze plaćanja naknada za korištenje podataka i naknada za usluge iz oblasti premjera , katastra nekretnina i katastra zemljišta, koje na zahtjev građana , fizičkih i pravnih lica ili po službenoj dužnosti obavlja Služba za urbanizam, geodetske i imovinsko pravne poslove i infrastrukturu općine Kalesija (U daljem tekstu Služba).

Član 2.

Visina naknada za vršenje usluga i korištenje podataka premjera i katastra zemljišta utvrđuje se:

T A R I F A

NAKNADA ZA KORIŠTENJE PODATAKA I VRŠENJE USLUGA IZ OBLASTI PREMJERA I KATASTRA ZEMLJIŠTA

Za korištenje podataka i vršenje usluga iz oblasti premjera i katastra zemljišta plaća se naknada i to:

GEODETSKA OSNOVA

Tarifni broj 1.

Za podatke trigonometrijske , poligonske , gradske poligonometrijske , linijske i nivelmanske mreže po tački plaća se

-za koordinate.....20KM
-za kote.....10KM
-za položajni opis.....5KM

PLANOVI I KARTE

Tarifni broj 2.

Za planove i karte na kartografskom papiru i neprovidnom papiru svih razmjera koje posjeduje Služba naknada se za kopiranje plaća po listu detalja

-za razmjeru 1:1000.....40KM
-za razmjeru 1:2500.....50KM
-za razmjeru 1:500040 KM

KOPIJE DETALJA SA PLANOVA

Tarifni broj 3.

Za kopiju detalja sa planova formata A-4 naknada se plaća u iznosu od10KM
Za kopije detalja sa planova formata A-3 naknada se plaća u iznosu od.....14KM
Za fotokopiju detalja sa planova formata A-4 naknada se plaća u iznosu od.....10KM
Za fotokopije detalja sa planova formata A-3 naknada se plaća u iznosu od.....15KM

PREPISI I IZVODI IZ POSJEDOVNIH LISTOVA I DRUGIH DIJELOVA KATASTARSKOG OPERATA

Tarifni broj 4.

Za prepis posjedovnog lista ili njegov izvod plaća se6KM
Za svaki sljedeći prepis ili izvod istog posjedovnog lista plaća se.....5KM

Za prepis posjedovnog lista starog katastarskog operata plaća se10KM

Uvjerenja koja služe kao dokaz o neposjedovanju imovine u katastarskom operatu plaća se u iznosu od.....5KM

CIJEPANJE, PREMJer PARCELA I PROMJENA KULTURE

Tarifni broj 5.

- a) Cijepanje parcele na dva dijela plaća se iznos80KM
-Za svaku sljedeću novoformiranu parcelu plaća se u iznosu od.....60KM
-Za uslovno cijepanje (formiranje diktirane površine) naknada se uvećava za 50%
-Spajanje parcela u jednu plaća se naknada u iznosu od.....40KM
-Izdvajanje objekata kao posebne parcele.....40KM
-Prenos projektovanih parcela ili objekata sa urbanističkog plana na teren po parceli ili objektu 100KM
-Za snimanje dugih uskih parcela (putevi, pruge,kanali) preko 100m po metru1,5KM
- b) Izrad prijavnog lista «A» za potrebe ZK ureda po parceli novog premjera plaća se u iznosu od.....15KM
- c) Za promjenu kulture bez premjeravanja (cijela parcela) sa uviđajem na licu mjesta plaća se iznos od.....40KM
-svaka sljedeća parcela na jednom mjestu.....20KM
- d) Ukoliko je potrebno izvršiti promjenu kulture samo na dijelu parcele obračunava se i cijepanje parcele kao pod a) istog tarifnog broja.
- e) Uplanjenje objekata u katastarskim planovima
-Za uplanjenje stambenih i pomoćnih objekta plaća se naknada u iznosu od.....50KM
-Za uplanjenje poslovnog objekta plaća se naknada u iznosu od.....70KM
- f) Pokazivanje međne linije na licu mjesta plaća se iznos od.....80KM
(Zahtjev mora biti zajednički podnešen od strane posjednika čija se međna linija uređuje)
- g) Premjeravanje parcele u svrhu provjere površine plaća se u iznosu od50KM

IDENTIFIKACIJE

Tarifni broj 6.

- a) Identifikacija parcela starog i novog premjera po parceli novog premjera plaća se u iznosu7,0 KM
- b) Identifikacija parcela novog premjera na licu mjesta bez premjeravanja plaća se u iznosu od30KM
- c) Identifikacija parcela novog premjera na licu mjesta sa premjeravanjem plaća se u iznosu od60KM
- d) Uvid u identifikacione skice i planove uz nadzor službenog lica plaća se.....10 KM

PROVOĐENJE PROMJENA U KATASTARSKOM OPERATU

Tarifni broj 7.

- a) Za promjenu podataka o korisniku ili posjedniku u posjedovnom listu (preregistracija firmi , ispravak indikacija i sl.) plaća se iznos od.....20 KM
- b) Za prenos cijele parcela iz jednog u drugi posjedovni list plaća se iznos od30KM
-za svaku narednu parcelu plaća se iznos od.....20KM
- c) Za otvaranje novog posjedovnog lista plaća se iznos od15KM

GEODETSKO SNIMANJE TERENA U SVRHU PROJEKTOVANJA I ISKOLČAVANJE

Tarifni broj 8.

- a) Za geodetsko snimanje terena i izradu situacionog plana sa horizontalnom i visinskom prestavom :
-do 500 m² po 1m² plaća se iznos od.....0,50 KM
-za svaki sledeći 1m² plaća se iznos od 0,30KM
- b) Iskolčavanje objekata na terenu

-do 100 m² objekta po 1m² plaća se iznos od.....0,80 KM
-preko 100 m² objekta po 1 m² plaća se iznos od.....0,60KM

GEODETSKO SNIMANJE KOMUNALNIH UREĐAJA

Tarifni broj 9.

Kod nezatrpanih podzemnih instalacija

- a) Do 200 m svih vrsta instalacija plaća se iznos po 1m dužnom u visini od0,90KM
b) Preko 200 m svih vrsta instalacija plaća se iznos po 1m dužnom u visini od0,80KM

NAPOMENA: Ukoliko se snima instalacija koja je zatrpana, onda se vrši otkopavanje o trošku korisnika snimanja.

Za snimanje svih vrsta instalacija u tunelima , galerijama i slično cijena se povećava za 100%.

VJEŠTAČENJA

Tarifni broj 10.

Kada geodetski stručnjak radi za potrebe suda kao sudski vještak Općinski sud ili drugi sudovi su dužni na račun općine uplati na ime naknade za korištenje podataka premjera i katastra zemljišta iznos od 20KM

Napomena:Navedeni troškovi se ne odnose na nagradu za vještačenje kao i za putne i druge materijalne troškove vještaka koje mu po zakonu pripadaju.

OSTALI TROŠKOVI

Tarifni broj 11.

- a) Svi terenski , tehnički poslovi koji nisu sadržani u ovoj tarifi naplaćuje se po satu efektivnog rada stručnjaka na terenu za 1 sat plaća se iznos od.....20KM
b) Svi kancelarijski ,tehnički i administrativni poslovi koji nisu sadržani u ovoj tarifi naplaćuju se po satu efektivnog rada zaposlenika.....20KM

c) Ukoliko se neki poslovi iz gore navedenih tarifnih brojeva ove odluke obave na terenu od strane registrovanih pravnih subjekata ili samostalnih poduzetnika, isti su dužni uplatiti dio naknade za kancelarijski dio posla u visini od 40% od naknade propisane ovom odlukom.

d) naknada za izvršenu uslugu nadzora nad geodetskim radovima i pregleda elaborata iznosi
- Po utrošenom satu na terenu.....50KM
- po utrošenom satu u kancelariji.....30KM

Član 3.

Obveznik plaćanja naknade je lice po čijem je zahtjevu pokrenut postupak ili se radnje vrše predviđene tarifom.Ako postoje dva ili više obveznika njihova obaveza je solidarna.

Član 4.

Ako tarifom nije drugačije propisano taksena obaveza nastaje :

1. Za podneske u trenutku kada se predaju, a za podneske date u zapisnik kada se zapisnik sastavlja.
2. Za rješenja i druge isprave u trenutku podnošenja zahtjeva za njihovo izdavanje.
3. Za pravne radnje u trenutku podnošenja zahtjeva tih radnji.

Član 5.

Naknada se plaća u trenutku nastanka obaveze ako ovom odlukom nije drugačije određeno.

Član 6.

Nadležni organ može pokrenuti postupak po netaksiranom zahtjevu ili nedovoljno uplaćenim troškovima ali rješenje ne može biti uručeno prije nego što budu ispunjene obaveze po podnesenom zahtjevu.

Član 7.

Naknada za korištenje podataka i vršenje usluga premjera, katastra nekretnina i katastra zemljišta, uplaćuje se na žiro račun općine Kalesija.

Član 8.

Od plaćanja naknada za korištenje podataka premjera i katastra zemljišta oslobođeni su sledeći građani, pravna i fizička lica:

- državni organi, mjesne zajednice, humanitarne organizacije (u obavljanju humanitarne djelatnosti) vjerske zajednice, socijalne i školske ustanove,
- građani koji u postupku ostvaruju socijalnu pomoć,
- uži članovi porodica šehida i poginulih boraca,
- ratni vojni invalidi čiji invaliditet je 60% i više,
- lica koja svoju imovinu prenose u državnu svojinu bez naknade

Za vršenje usluga premjera i katastra zemljišta subjekti iz prethodnog stava oslobođeni su plaćanja u visini od 50%,osim za alineju 5 stav 1. ovog člana.

Član 9.

Stupanjem na snagu ove Odluke stavlja se van snage Odluka o visini naknade za korištenje podataka i vršenje usluga u oblasti premjera i katastra nekretnina, («Sl.glasnik opštine Kalesija» br.1/98, 5/88, 4/99 i 3/02).

Član 10.

Ova Odluka stupa na snagu osam dana od dana objavljivanja u «Službenom glasniku općine Kalesija».

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKO VIJEĆE
Broj:01-05-2-1826
Datum: 02.06.2005.godine

PREDSJEDAVALAČI
OPĆINSKOG VIJEĆA

Hata Mujčinović, dipl.ing.teh s.r.

39

Na osnovu člana 117. Zakona o vodama («Službene novine F BiH », broj 18/98), člana 81, 82,91. Zakona o vodamaTK ("Službene novine TK", broj6/99) i člana 41. Statuta općine Kalesija («Službeni glasnik općine Kalesija», broj: 7/03), Općinsko vijeće Kalesija na sjednici održanoj dana 31.05.2005. godine, d o n o s i

ODLUKU

o zaštiti izvorišta vode "KISELJAK"

Član 1.

U cilju zaštite vode "Kiseljak" od zagađivanja i od drugih uticaja koji mogu nepovoljno djelovati na zdravstvenu ispravnost vode ili na izdašnost izvorišta, ovom Odlukom utvrđuju se zone sanitarne zaštite, veličina i granice zaštitnih zona i mjere i ograničenja za uspostavljanje i održavanjezone sanitarne zaštite i druga pitanja od interesa za sprovođenje zaštite izvorišta.

Član 2.

Preduzeća, druga pravna lica i građani dužni su se pridržavati odredaba ove Odluke i primjenjivati ovom Odlukom propisane mjere zaštite površinskih i podzemnih voda.

Član 3.

Prema stepenu opasnosti od zagađivanja i drugih štetnih uticaja koji mogu nepovoljno djelovati na zdravstvenu ispravnost vode ili na izdašnost izvorišta "Kiseljak", utvrđuju se zaštitne zone, njihova veličina i granice i režimi zaštite u tim zonama.

U zonama iz stava 1. ovog člana primjenjuju se sanitano-tehničke mjere, urbanizacija i građenje, vrši privredna, poljoprivredna i druga djelatnost, na način utvrđen ovom Odlukom.

Član 4.

Prva (uža) zaštitna zona izvorišta vode "Kiseljak" obuhvata prostor oko bunara, koji je u osnovi kružnog oblika, radijusa 4 m.

Druga zaštitna zona obuhvata prostor oko izvorišta, kružnog oblika radijusa 100 m.

Član 5.

Na zemljištu uže zaštitene zone izvorišta vode "Kiseljak" mogu, uz primjenu mjera iz ove Odluke postojati zahvatni objekti, rezervoari, pumpne stanice, pogonske zgrade, trafo stanice, prilazni i unutrašnji putevi i drugi objekti za rad objekta za snabdjevanje vodom.

Član 6.

Na području prve i druge zaštitne zone izvorišta u skladu sa odredbama Zakona o vodama, zabranjeno je:

- 1) izgrađivati nove ili rekonstruisati postojeće objekte i izvođenje drugih radova (vađenje pijeska, šljunka, kamena i drugih materijala),

kao i korišćenje zemljišta na način kojim se ugrožavaju prirodne vrijednosti i režim površinskih i podzemnih voda,

- 2) držanje stoke, pernate živine i kunića, kao i ispaša stoke,
- 3) bez pratnje organa policije i sanitarne i komunalne inspekcije transportovati tečnosti koje su po svom sastavu opasne za zagađivanje vode za piće (nafta i njeni derivati, kiseline),
- 4) ispuštanje i prosipanje ulja, kiseline i drugih štetnih i opasnih materija,
- 5) izgradnja kanala ili polaganje kanalskih vodova za odvođenje otpadnih voda,
- 6) pranje motornih vozila,
- 7) deponovanje i istresanje otpadnih materija.

Član 7.

Nadzor nad sprovođenjem režima zaštite i mjera propisanih ovom Odlukom vrši inspeksijski organi općine Kalesija i to:

- 1) sanitarna inspekcija – kvalitet vode, vodoopskrbne objekte i sanitarne uređaje,
- 2) komunalna inspekcija – držanje stoke, pernate živine i kunića, ispašu stoke, deponovanje i istresanje otpadnih materija i pravovremenost priključenja objekata na kanalizacionu mrežu,
- 3) građevinska inspekcija – građenje objekata i izvođenje radova (vađenje pijeska, kamena, šljunka i drugih materijalasa),
- 4) poljoprivredna inspekcija – upotreba vještačkih đubriva pesticida, herbicida, zasađivanje i uzgoj biljnih kultura.

Član 8.

Sastavni dio ove Odluke je karta u razmjeri 1:2.500 u kojoj su ucrtane granice zaštitnih zona izvorišta vode Kiseljak.

Član 9.

Ova Odluka stupa na snagu danom objavljivanja u "Službenom glasniku općine Kalesija".

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-1824
Datum: 02.06.2005. godine

PREDSJEDAVAJUĆI
OPĆINSKOG VIJEĆA

Hata Mujčinović, dipl. ing. teh.s.r.

40

Na osnovu člana 41. Statuta općine Kalesija ("Sl. glasnik općine Kalesija", broj 7/03), člana 20. Poslovnika o radu Općinskog vijeća («Sl. glasnik općine Kalesija», broj 2/04), Općinsko vijeće Kalesija, na sjednici od 31.05.2005. godine, d o n o s i

ODLUKU

o razrješenju i izboru člana radnog tijela
Općinskog vijeća

I

Razrješava se dužnosti člana Komisije statutarna pitanja i propise Općinskog vijeća **Fazlić Nurija iz Miljanovaca**, na lični zahtjev.

Na upražnjeno mjesto u Komisiju za statutarna pitanja i propise Općinskog vijeća imenuje se Hamidović Jakub, ecc. iz Kalesije.

II

Ova Odluka stupa na snagu danom objavljivanja u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-05-2-1828
Datum, 02.06.2005. godine

Hata Mujčinović, dipl. ing. teh.n.s.r.

41

Na osnovu člana 36. Zakona o lokalnoj samoupravi ("Sl. novine TPK", broj 6/98 i "Sl. novine TK", broj 13/99 i 7/02) i člana 41. Statuta općine Kalesija ("Sl. glasnik općine Kalesija", broj 7/03), Općinsko vijeće Kalesija, na sjednici od 31.05.2005. godine, d o n o s i

ODLUKU

o davanju saglasnosti na Pravilnik o unutrašnjaj
organizaciji
službi za upravu općine Kalesija

I

Daje se saglasnost na Pravilnik o unutrašnjoj organizaciji službi za upravu općine Kalesija.

II

Ova Odluka stupa na snagu danom objavljivanja u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-1829
Datum, 02.06.2005. godine

PREDSJEDAVAJUĆI
OPĆINSKOG VIJEĆA

Hata Mujčinović, dipl. ing. tehn.s.r.

42

Na osnovu člana 44. i 45. Zakona o građevinskom zemljištu ("Sl.novine FBiH", broj 25/03), člana 31. Odluke o građevinskom zemljištu ("Službeni glasnik Općine Kalesija" broj 1/04) te člana 23. Statuta Općine Kalesija (Službeni glasnik općine Kalesija broj 7/03), Općinsko vijeće Općine Kalesija na sjednici održanoj dana 31.05.2005. godine d o n o s i:

RJEŠENJE

1. Jp Elektroprivreda Bosne i Hercegovine d.d. Sarajevo "Elektrodistribucija" Tuzla, dodjeljuje se na korištenje radi građenja neizgrađeno građevinsko zemljište i to parcela označena sa kč. broj 2788/2 ukupne površine od 4 m² upisane u PL broj 196 KO Rainci Donji, po novom premjeru, , a po starom premjeru označeno kao kč.br. 5625/427 KO Rainci radi izgradnje transformatorske stanice STS 10(20)/0,4 kV, 160 kVA.
2. Nekretnine iz tačke 1. dispozitiva ovog rješenja dodjeljuju se na korištenje radi građenja uz naknadu i to u ukupnoj površini od 4 m² po cijeni 6,60 KM/m² što iznosi 26,40 KM (dvadesetšest konvertinilnih maraka i četrdeset feninga).
3. Katastar Općine Kalesija i ZK Ured Općinskog suda Kalesija izvršit će upis prava korištenja na dodijeljenim nekretninama u korist lica iz tačke 1.

dispozitiva sa dijelom od 1/1 , a po pravosnažnosti ovog rješenja i nakon uplate naknade za dodjeljeno zemljište.

4. Po pravosnažnosti rješenja izvršit će se potpisivanje ugovora o korištenju zemljišta radi građenja gdje će biti precizirani ostali uslovi dodjele nekretnina.

Obrazloženje

JP Elektroprivreda Bosne i Hercegovine d.d. Sarajevo "Elektrodistribucija" Tuzla se obratila zahtjevom za dodjelu zemljišta opisanog u dispozitivu rješenja radi izgradnje transformatorske stanice u mjestu Donji Rainci.

U postupku provedenom u cilju udovoljenja navedenom zahtjevu utvrđeno je da se planirani objekat uklapa u planirani prostorni razvoj i izgradnju naseljenog mjesta Rainci Donji.

Također, obzirom da se radi o objektu infrastrukture zahtjev se smatra opravdanim i od općeg je interesa.

Ostali uslovi korištenja zemljišta kao i plaćanja naknade biće precizirani posebnim ugovorom o korištenju.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Tuzli u roku od 30 dana od dana prijema ovog rješenja.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-1830
Datum, 02.06.2005. godine

PREDSJEDAVAJUĆI
OPĆINSKOG VIJEĆA

Hata Mujčinović, dipl. ing. tehn.s.r.

43

Na osnovu člana 12. i 44. Zakona o građevinskom zemljištu ("Sl.novine FBiH", br.25/03), člana 22. Odluke o građevinskom zemljištu ("Službeni glasnik Općine Kalesija" broj 1/04) i člana 41. Statuta Općine Kalesija ("Službeni glasnik općine Kalesija" broj 7/03), Općinsko vijeće Općine Kalesija na sjednici održanoj dana 31.05.2005. godine d o n o s i:

ZAKLJUČAK

5. Ispravlja se greška u rješenju o dodjeli broj 01-475-36/98 od dana 24.06.1998.

godine u pogledu broja katastarske čestice u korist DOO za održavanje i zaštitu puteva "Zvornik-putevi" Sapna iz Sapne, tako da umjesto parcele označene kao kč.br. 1216/18 zvana Lugovi njiva 5. klase u površini od 2000m² KO Prnjavor po novom premjeru, a po starom premjeru označeno sa kč.br. 2035/326 KO Prnjavor, ispravkom greške treba da stoji:"dio u površini od 2000 m² od parcela označenih kao kč.br. 1214/1 zvana Lugovi šuma 6. kl. zatim kč.br. 1215/2 Lugovi pašnjak 3. kl. i kč.br. 1216/1 zvana Lugovi pašnjak 3. kl. upisano u pl. broj 706 KO Prnjavor po novom premjeru, a po starom premjeru označeno kao dio od parcela kč.br. 2035/139, kč. br. 2035/148, kč.br. 2035/5 i kč. br. 2653 KO Prnjavor".

6. Katastar Općine Kalesija i ZK ured suda u Kalesiji izvršit će brisanje dosadašnjeg upisa i izvršit upis na osnovu osnovnog rješenja i ovog zaključka .

O b r a z l o ž e n j e

DOO za održavanje i zaštitu puteva "Zvornikputevi" Sapna izvršena je dodjela građevinskog zemljišta rješenjem Općinskog vijeća Kalesija broj 01-475-36/98 od 24.06.1998. godine u površini od 2000 m² .

Kako je u postupku dodjele vršena identifikacija parcela od strane službe za urbanizam, geodetske, imovinsko-pravne poslove i infrastrukturu , tom prilikom je učinjena greška prilikom same identifikacije.

Obzirom na uočenu grešku vršeno je preciznije i potpunije vještačenja i utvrđeni su tačni podaci koji su navedeni u dispozitivu zaključka.

Na osnovu svega izloženog odlučeno je kao u dispozitivu ovog zaključka.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Tuzli u roku od 30 dana od dana prijema ovog rješenja.

OPĆINSKI NAČELNIK 44

Na osnovu člana 56. Statuta općine Kalesija ("Sl. glasnik općine Kalesija" br. 7/03) i člana 7 stav 4 a u vezi sa članom 2 tačka 4, («Sl. glasnik općine Kalesija» br. 3/02), Općinski načelnik Kalesija dana 23.05.2005. godine,
d o n o s i

O D L U K U

o dodjeli Zahvalnice sa zlatnim grbom općine Kalesija

Član 1.

U znak priznanja za naročite zasluge i izuzetan doprinos u razvoju sporta i predstavljanju općine Kalesija, Općinski načelnik Kalesija dodjeljuje Zahvalnicu sa zlatnim grbom općine Kalesija Hadžić Senadu iz Rainaca Gornjih.

Član 2.

Zahvalnica će se uručiti na svečanoj sjednici Općinskog vijeća Kalesija, u povodu Dana općine Kalesija 23. maja 2005. godine.

Član 3.

Ova Odluka stupa na snagu danom donošenja i bit će objavljena u «Službenom glasniku općine Kalesija».

45

Na osnovu člana 12. stav 3. i člana 13. Zakona o ministarskim, vladinim i drugim imenovanjima Federacije Bosne i Hercegovine («Sl. novine FBiH» br. 12/03), te člana 32. Zakona o ustanovama («Sl. list RBiH» br. 6/92, 8/93 i 13/94), nakon provedene procedure izbor kandidata po javnom oglasu za pozicije u

regulirane organe općine Kalesija, Općinski načelnik Kalesija, kao odgovorni javni službenik dana 26.04.2005. godine, d o n o s i

R J E Š E N J E

o konačnom imenovanju predsjednika i članova Upravnog odbora Javne ustanove «Centar za socijalni rad» Kalesija
Za predsjednika i članove Upravnog odbora JU «Centar za socijalni rad» Kalesija, imenuju se:

1. Mr. Nijaz Karić, za predsjednika,
2. Hidajet Sakić, za člana,
3. Izet Bukvarević, za člana
4. Nermina Aljić, za člana
5. Sakib Avdibašić, za člana

II

Mandat imenovanih traje četiri godine od dana imenovanja.

III

Ovo Rješenje stupa na snagu danom donošenja i objavit će se u «Službenim novinama FBiH» i u «Službenom glasniku općine Kalesija».

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKI NAČELNIK
Broj: 02-05-2-183-66/05
Datum: 26.04.2005. godine

OPĆINSKI NAČELNIK
Rasim Omerović s.r.

46

Na osnovu člana 12. stav 3. i člana 13. Zakona o ministarskim, vladinim i drugim imenovanjima Federacije Bosne i Hercegovine («Sl. novine FBiH» br. 12/03), te člana 32. Zakona o ustanovama («Sl. list R BiH» br. 6/92, 8/93 i 13/94), nakon provedene procedure izbor kandidata po javnom oglasu za pozicije u regulirane organe općine Kalesija, Općinski načelnik Kalesija, kao odgovorni javni službenik dana 26.04.2005. godine, d o n o s i

R J E Š E N J E

o konačnom imenovanju predsjednika i članova Upravnog odbora Javne ustanove «Gradska biblioteka» Kalesija

I

Za predsjednika i članove Upravnog odbora JU «Gradska biblioteka» Kalesija, imenuju se:

1. Abdulah Gutić, za predsjednika,
2. Fahrudin Sinanović, za člana,
3. Mehmed Đedović, za člana i
4. Nermin Bukvar, za člana
5. Husnija Mešić, za člana

II

Mandat imenovanih traje četiri godine od dana imenovanja.

III

Ovo Rješenje stupa na snagu danom donošenja i objavit će se u «Službenim novinama FBiH» i u «Službenom glasniku općine Kalesija».

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKI NAČELNIK
Broj: 02-05-2-183-67/05
Datum: 26.04.2005. godine

OPĆINSKI NAČELNIK
Rasim Omerović s.r.

47

Na osnovu člana 12. stav 3. i člana 13. Zakona o ministarskim, vladinim i drugim imenovanjima Federacije Bosne i Hercegovine («Sl. novine FBiH» br. 12/03), te člana 32. Zakona o ustanovama («Sl. list R BiH» br. 6/92, 8/93 i 13/94), nakon provedene procedure izbor kandidata po javnom oglasu za pozicije u regulirane organe općine Kalesija, Općinski načelnik Kalesija, kao odgovorni javni službenik dana 26.04.2005. godine, d o n o s i

R J E Š E N J E

o konačnom imenovanju predsjednika i članova Upravnog odbora Javne ustanove «Bosanski kulturni centar Kalesija» Kalesija

I

Za predsjednika i članove Upravnog odbora JU «Bosanski kulturni centar Kalesija» Kalesija, imenuju se:

1. Zijad Kulanić, za predsjednika,
2. Mujo Zulić, za člana,
3. Enver Bajrić, za člana
4. Muhamed Avdić, za člana
5. Elvedin Dukić, za člana

II

Mandat imenovanih traje četiri godine od dana imenovanja.

III

Ovo Rješenje stupa na snagu danom donošenja i objavit će se u «Službenim novinama FBiH» i u «Službenom glasniku općine Kalesija».

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKI NAČELNIK
Broj: 02-05-2-183-68/05
Datum: 26.04.2005. godine

OPĆINSKI NAČELNIK
Rasim Omerović s.r.

48

Na osnovu člana 12. stav 3. i člana 13. Zakona o ministarskim, vladinim i drugim imenovanjima Federacije Bosne i Hercegovine («Sl. novine FBiH» br. 12/03), nakon provedene procedure izbora kandidata po javnom oglasu za pozicije u regulirane organe općine Kalesija, Općinski načelnik Kalesija, kao odgovorni javni službenik dana 26.04.2005. godine, d o n o s i

R J E Š E N J E

o konačnom imenovanju predsjednika i članova Upravnog odbora Javnog preduzeća «Veterinarska stanica» Kalesija

I

Za predsjednika i članove Upravnog odbora JP «Veterinarska stanica» Kalesija, imenuju se:

1. Mr.Sead Osmančević, za predsjednika,
2. Sead Softić, za člana,
3. Hajrudin Huseinović, za člana
4. Halim Softić, za člana
5. Mustafa Belko, za člana

II

Mandat imenovanih traje četiri godine od dana imenovanja.III

Ovo Rješenje stupa na snagu danom donošenja i objavit će se u «Službenim novinama FBiH» i u «Službenom glasniku općine Kalesija».

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKI NAČELNIK
Broj: 02-05-2-183-69/05
Datum: 26.04.2005. godine

OPĆINSKI NAČELNIK
Rasim Omerović s.r.

49

Na osnovu člana 12. stav 3. i člana 13. Zakona o ministarskim, vladinim i drugim imenovanjima Federacije Bosne i Hercegovine («Sl. novine FBiH» br. 12/03), nakon provedene procedure izbora kandidata po javnom oglasu za pozicije u regulirane organe općine Kalesija, Općinski načelnik Kalesija, kao odgovorni javni službenik dana 26.04.2005. godine, d o n o s i

R J E Š E N J E

o konačnom imenovanju predsjednika i članova Upravnog odbora Javnog preduzeća «Vodovod i kanalizacija Kalesija» Kalesija

I

Za predsjednika i članove Upravnog odbora JP «Vodovod i kanalizacija Kalesija» Kalesija, imenuju se:

1. Husnija Imamović, za predsjednika,
2. Mirsad Džananović, za člana,
3. Osman Turić, za člana
4. Šefkija Rehić, za člana
5. Ševal Džafić, za člana

II

Mandat imenovanih traje četiri godine od dana imenovanja.

III

Ovo Rješenje stupa na snagu danom donošenja i objavit će se u «Službenim novinama FBiH» i u «Službenom glasniku općine Kalesija».

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKI NAČELNIK
Broj: 02-05-2-183-70/05
Datum: 26.04.2005. godine

OPĆINSKI NAČELNIK
Rasim Omerović s.r.

S a d r Ź a j

OPĆINSKO VIJEĆE	Strana	OPĆINSKI NAČELNIK	Strana
36. Odluka o izmjenama i dopunama Odluke o naknadama plata funkcionera koje bira, imenuje i postavlja Općinsko vijeće	61	44. Odluka o dodjeli Zahvalnice sa zlatnim grbom općine Kalesija.....	69
37. Odluka o izmjenama I dopunama Kodeksa ponašanja izabраних zvaničnika općine Kalesija.....	61	45. Rješenje o konačnom imenovanju predsjednika i članova Upravnog odbora Javne ustanove “Centar za socijalni rad”Kalesija.....	70
38. Odluka o visini naknada za korištenje podataka I vršenje usluga premjera i katastra zemljišta.....	63	46. Rješenje o konačnom imenovanju predsjednika i članova Upravnog odbora Javne ustanove “Gradska biblioteka”Kalesija.....	70
39. Odluka o zaštiti izvorišta vode “Kiseljak”.....	66	47. Rješenje o konačnom imenovanju predsjednika i članova Upravnog odbora Javne ustanove “Bosanski kulturni centar Kalesija”Kalesija...	71
40. Odluka o razrješenju i izboru člana radnog tijela Vijeća	67	48. Rješenje o konačnom imenovanju predsjednika i članova Upravnog odbora Javne ustanove “Veterinarska stanica”Kalesija.....	71
41. Odluka o davanju saglasnosti na Pravilnik o unutrašnjoj organizaciji službi za upravu općine Kalesija.....	67	49. Rješenje o konačnom imenovanju predsjednika i članova Upravnog odbora Javne ustanove”Vodovod i kanalizacija”Kalesija.....	71
42. Razmatranje i donošenje rješenja o dodjeli zemljišta JP Elektroprivreda BiH, Elektro distribucija Tuzla, PJ Kalesija.....	68		
43. Zaključak o ispravci greške.....	68		